

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U TEŠNJU  
Broj, 039-0-SU-25-000-055  
Dana, 15.01.2025. godine

VISOKO SUDSKO I TUŽILAČKO VIJEĆE BIH

KANTONALNI SUD ZENICA

### **Izvještaj o radu Općinskog suda u Tešnju za 2024. godinu.**

#### Organizacija i kadrovska osposobljenost suda

U sudu je na početku 2024. godine bilo zaposleno 36 uposlenika jer su tokom prethodne godine imenovana dva nosioca pravosudnih funkcija u sud i to jedan sudija i jedan stručni saradnik.

Tokom 2024. godine sud je radio u punom sastavu sve do oktobra mjeseca kada je prestala funkcija predsjedniku suda koji je ujedno i sudija i stručnom saradniku. Sud je u aprilu mjesecu ostao bez jednog zaposlenika daktilografa a krajem godine privremeno zbog porodijskog bolovanja za još dva zaposlenika što je otežalo rad sudija zbog nedostatka daktilografa. Iz navedenih razloga sud je u oktobru mjesecu imao ukupno zaposlenih 32 zaposlenika što je u odnosu na broj od 44 sistematizovanih radnih mjesta po važećem Pravilniku o unutrašnjoj organizaciji i sistematizaciji radnih mjesta značajan procenat tj. nedostaje 24 % zaposlenika što značajno utiče na rad svih odjela u sudu.

Na kraju 2024.godine sud se popunio sa 1 daktilografom na neodređeno vrijeme i 1 na određeno vrijeme tako da je sud na kraju 2024.godine imao ukupno 34 zaposlenika.

U toku je procedura izbora novog sudije i stručnog saradnika koja se očekuje da će se okončati u toku 2025.godine.

I dalje nedostaje određen broj administrativnih radnika iz razloga ograničenog prijema novih radnika zbog – Odluka Vlade ZE-DO kantona.

Od januara mjeseca pokrenut je postupak izbora jednog računovodstvenog radnika jer je ranija radnica prestala sa radom u sudu zbog odlaska u penziju, jednog državnog službenika u ZK uredu, dva državna službenika u sudskoj upravi.

Što se tiče kadrovske osposobljenosti svi uposlenici ispunjavaju zakonom propisane uslove za navedena radna mjesta. Konkretno imaju odgovarajuću stručnu spremu, radno iskustvo i položene stručne ispite.

Ako se tome doda da su stručni saradnik i predsjednik suda prestali sa radom tokom oktobra mjeseca 2024.godine da se zaključiti da je sud radio ipak sa značajnim smanjenjem sudijskog kadra obzirom da je od 9 nosilaca pravosudnih funkcija ( broj po sistematizaciji ), taj broj smanjen na ukupno 7 nosilaca pravosudne funkcije što se negativno odrazilo na ukupan rezultat rada suda i ostvarivanje zadanih ciljeva.

Međutim, iako je sud radio u nepotpunom sastavu od sredine oktobra 2024. godine nije došlo do velikih odstupanja od predviđene realizacije zadanih ciljeva i ostvarenja očekivanih rezultata suda.

### **Ostvarenje norme u izvještajnom periodu :**

Sud je ostvario kolektivnu normu od 103,62 %

### **Pojedinačne norme sudija i stručnih saradnika bile su :**

Sudija Popović Zdravko – predsjednik suda – 111,38 %

Sudija Bajraktarević Zijad – 109,73 %

Sudija Đuričić Tatjana - 108,44 %

Sudija Bekrić Hidajeta - 115,39 %

Sudija Ajanović Besima - 100,51%

Sudija Mandić Željko - 94,85 %

Sudija-novoizabrana predsjednica suda Blambić Irma, koja je od 16.10.2024. godine do dana stupanja na dužnost predsjednice obavljala i funkciju v.d. predsjednice suda - 103,11 %

Stručni saradnik Herceg Adnan - 79,73 %

Stručni saradnik Edina Zahirović Vilašević – 109,48 %

Iz izloženog se da primjetiti da su postupajuće sudije i stručni saradnik Edina Zahirović Vilašević ispunili orijentacione norme, s izuzetkom: sudije Mandić Željka i stručnog saradnika Adnan Herceg koji nisu ispunili 100% normu.

Stručnom saradniku Adnanu Hercegu je takođe prestao mandat 07.10.2024.godine. Sudija Željko Mandić je u toku 2024.godine duže vrijeme bio na bolovanju ukupno 42 dana bolovanja i ako se uzme da je koristio godišnji odmor u trajanju od 30 dana to znači da je 102 dana bio odsutan sa posla te da je to objektivni razlog što nije mogao dostići realizaciju 100% norme. Navedeni sudija poklanja izuzetnu pažnju kvalitetu svojih odluka a kvalitet je jedan od strateških ciljeva suda.

Ostvarena je kolektivna norma suda od 103,62 % i pored činjenice da je sud od sredine oktobra 2024. godine radio sa jednim sudijom i jednim stručnim saradnikom manje.

### **Kvalitet rada**

Kvalitet rada suda računao se po dva osnova prvo u odnosu na ukupan broj odluka na koje se moglo izjaviti pravno sredstvo i drugo na broj odluka ovog suda koje su išle po žalbama na drugostepeni sud.

Broj odluka na koje se moglo uložiti pravno sredstvo iznosio je 3881 a pravno sredstvo uloženo je u 223 predmeta što znači da je prolaznost odluka bila 94,26 %. Kvalitet sudskih odluka za 2024.godinu iznosio je 90,23%.

Broj odluka na koje je uložena žalba iznosio je 223 odluke.

Broj potvrđenih odluka bio je 166 odluke, broj ukinutih odluka 27, preinačenih 27 i djelimično ukinutih 3.



Kvalitet sudskih odluka po sudijama Općinskog suda u Tešnju je:

1. Popović Zdravko 55,54%
2. Bajraktarević Zijad 82,91%
3. Đuričić Tatjana 91,17%
4. Ajanović Besima 95,83%
5. Bekrić Hidajeta 96,14%
6. Mandić Željko 84,62%
7. Edina Zahirović Vilašević 93,33%
8. Blambić Irma 97,72%
9. Herceg Adnan 82,35%

Kvalitet sudskih odluka Općinskog suda u Tešnju je = 90,23%

Iz tabelarnog dijela vidljiv je bliži prikaz po sudijama ukupnih odluka po žalbi, potvrđenih, ukinutih, preinačenih i odbijenih

Red. br.	Ime sudije	Ukupno po žalbi	Potvrđene	Ukinute	Preinačene	Djelimično ukinute-član 17 st.2
1.	Popović Zdravko	18	5 ili 27,77%	8 ili 44,44%	5 ili 27,77%	
2.	Bajraktarević Zijad	41	33 ili 80,48%	7 ili 17,07%	1 ili 2,43%	
3.	Đuričić Tatjana	34	26 ili 76,47%	2 ili 5,88%	4 ili 11,76%	2 ili 2,94%
4.	Ajanović Besima	24	20 ili 83,33%	1 ili 4,16%	3 ili 12,5%	
5.	Bekrić Hidajeta	26	19 ili 73,07%	1 ili 3,84%	6 ili 23,07%	
6.	Mandić Željko	26	21 ili 80,77%	4 ili 15,38%	1 ili 3,85%	
7.	Edina Zahirović Vilašević	15	12 ili 80,00%	1 ili 6,67%	2 ili 13,33%	
8.	Blambić Irma	22	18 ili 81,81%		3 ili 13,64%	1 ili 2,27%
9.	Herceg Adnan	17	12 ili 70,59%	3 ili 17,65%	2 ili 11,76%	

Nema značajnijih promjena u ostvarenom kvalitetu u odnosu na prethodnu godinu. Prolaznost odluka u prethodnoj godini bila je 92,21% a broj odluka koji je išao po žalbi iznosio je 244 odluke i bio je veći za 21 odluka nego u 2024. godini. Postoji izvjesna razlika u odnosu na broj ukinutih odluka te je ovaj ukupan broj ukinutih odluka od 27 u 2024 godinu u odnosu na 2023.godinu kada je bilo ukupno 19 ukinutih odluka doprinio lošijem rezultatu od 1,98 % na kvalitetu sudskih odluka Općinskog suda u Tešnju za 2024.godinu u odnosu na 2023.godinu.

Međutim cijenimo da sud ipak ima dobar kvalitet sudskih odluka jer je u svakoj godini taj procenat bio preko 90%.

**Priliv predmeta :**

Priliv predmeta u 2024. godini iznosio je 4849 predmeta što je sa brojem prenijetih predmeta 4301 predmeta značilo da je sud imao ukupno u radu 9150 predmeta.

U odnosu na prošlogodišnji priliv predmeta 4431 isti je veći za 418 predmeta, kao i ukupan broj predmeta u radu za 521 predmeta veći nego u 2023. godini.

Od tog broja riješeno je 5255 predmeta, dok je ostalo neriješeno 3895 predmeta što je značilo da je sud riješio 406 predmeta više od priliva.

Razlozi promjene u većem broju riješenih predmeta u odnosu na priliv nalazimo u činjenicama da je sud do polovine oktobra 2024.godine radio sa jednim sudijom i jednim stručnim saradnikom više u odnosu na prethodne izvještajne godine.

#### **Po referatima to bi izgledalo ovako:**

**Na krivičnom referatu** broj zaprimljenih predmeta iznosio je 687 predmeta (manji od priliva u 2023 godini za 99 predmeta) što je sa prenijetih 250 predmeta iz 2023 godine značilo da je sud imao u radu 937 predmeta.

Od tog broja riješeno je 684 predmeta (za 70 predmeta manje nego u 2023 godini a ostalo je neriješeno 253 predmeta (za 3 predmeta više nego u 2023 godini).

**Na parničnom referatu** priliv predmeta iznosio je 720 predmet ( za 58 predmeta više nego u 2023 godini) što je sa prenijetih 489 predmeta značilo da je sud imao u radu 1209 predmeta (za 110 predmeta više nego u 2023 godini).

Od tog broja riješeno je 747 predmeta (za 137 predmeta više nego u 2023 godini a ostalo je neriješeno 462 predmeta, sud je riješio 27 predmeta više od priliva.

Vidljivo je da je došlo do porasta predmeta na parničnom referatu i to za 110 predmeta te pada na krivičnom referatu od 67 predmeta.

**Na izvršnom referatu** priliv predmeta iznosio je 1454 predmeta što je sa prenijetih 1416 predmeta značilo da je sud imao ukupno u radu 2870 predmeta.

Od tog broja riješeno je 1851 predmeta (za 338 predmeta više nego u 2023 godini) a ostalo je neriješeno 1019 predmeta. Dakle riješeno je za 397 predmeta više od priliva u 2024. godini.

Na izvršnom referatu i dalje je prisutan nominalno veliki broj predmeta u radu što je posljedica i velikog priliva predmeta na ovom referatu u odnosu na druge referate. Takođe rješavanje izvršnih predmeta traje duže od predvidivih i/ili optimalnih rokova iz razloga što se vrlo često mijenjaju sredstva izvršenja, nakon što izvršenja najčešće ostaju bezuspješna na pokretnim stvarima izvršenika iz razloga što se rijetko kupuju pokretne stvari koje prodaje sud a često se utvrdi i da izvršenik nema pokretnih stvari koje mogu biti predmetom izvršenja pa se tražiocu izvršenja ostavlja i zakonski rok od 3 mjeseca da predloži ponovni popis i procjenu pokretnih stvari. Dalje se zbog nemogućnosti prodaje ovih stvari mijenjaju sredstva izvršenja, traže česta odlaganja izvršenja zbog nedostupnosti stranaka i njihovih tačnih adresa. Sve je manje građana na prijavljenim adresama CIPS-a, mahom su u inostranstvu i rijede dolaze u mjesta prebivališta. Neki su prodali imovinu i trajno napustili prebivalište a što se negativno održava na broj i dužinu rješavanja izvršnih predmeta.

U izvršnim predmetima u kojima se izvršenje provodi na transakcijskim računima stranaka primjetno je poboljšanje u broju riješenih predmeta u odnosu na prethodnu godinu. Jedan od mogućih razloga je to što je ranije bilo otežano pronalaženje njihovih adresa kod banaka. Traženi su podaci od nebrojeno velikog broja banaka što je sada sudu uveliko olakšano preko Federalne istražne agencije Sarajevo koja na traženje suda sudu dostavlja podatke o aktivnim računima građana i bankama kod kojih se oni nalaze u dosta kraćem periodu.



Mnogo izvršnih predmeta završi i obustavom zbog velike insolventnosti građana, njihove ne zaposlenosti i nedostupnosti te ne postojanja stvari koje bi mogle biti predmetom prinudne zapljene.

**Na prekršajnom referatu** priliv predmeta iznosio je 1170 predmeta što je sa prenijetih predmeta iz prošle godine 480 značilo da je sud imao u radu 1650 predmeta.

Od tog broja riješeno 1083 predmeta, manje od priliva za 87 predmeta, dok je ostalo 567 predmeta što znači da je uvećanje iznosilo 87 predmeta.

**Na vanparničnom referatu** priliv predmeta iznosio je 815 predmeta, što je sa prenijetih 1657 predmeta značilo da je sud imao u radu 2472 predmet.

Od navedenog broja riješeno je 879 predmet što je značilo da je sud riješio za 64 predmeta više od priliva.

Sud je na godišnjem nivou riješio 406 predmeta više od ukupnog priliva predmeta tokom 2024.godine.

Za sudijski kadar može se reći da je dobar što pokazuju kako kvantitativni tako i kvalifikatorni pokazatelji rada što se vidi iz dijela izvještaja koji se odnosi na kvalitet sudskih odluka.

Popravio se rad i na izvršnim predmetima gdje je završeno 397 predmeta više od priliva.

Sud je godinama na ovom referatu imao veće zaostatke neriješenih predmeta a taj negativan trend je prevaziđen činjenicom što na rješavanju ovih predmeta radi više sudija i dva sudska izvršioaca.

U odnosu na stvarni broj trenutno zaposlenih lica sud je u toku godine radio u nekompletnom sastavu što se tiče administrativnog osoblja. Bila su određena bolovanja ali u znatno većem dijelu nego u prethodnim godinama. To se prije svega odnosilo na daktilografe (4 daktilografa su na dužem bolovanju) što je dovelo do otežanog rada pojedinih sudija na administriranju sa predmetima i negativnog učinka u rješavanju predmeta u optimalnim i predvidivim rokovima.

Proces rada često je narušavan odgađanjima ročišta iz razloga nedostupnosti stranaka što se opet negativno odrazilo na dužinu rješavanja predmeta a takođe djelimično i na ostvarenje norme.

Iz navedenog razloga izostala je očekivana realizacija rješavanja većeg broja predmeta od onih koji su završeni a posljedica toga je i ne ostvarenje očekivane 100% kolektivne norme suda uz pomenuta odsustva i upražnjene pozicije.

### **Ostvareni rezultati rada na starim predmetima**

Iz pregleda izvještaja o radu predmeta iz plana – stari predmeti , sud je u planu za 2024. godinu imao 1217 predmeta.

Od tog broja riješeno je 1064 predmeta a ostalo je neriješeno 153 predmeta špa je procenat realizacije 87,43%.

Planom su bile obuhvaćene sve sudije i dva stručna saradnika.

Činjenica da je sud radio u nekompletnom sastavu od sredine oktobra 2024.godine što je već navedeno a ostvarena procentualna realizacija iznad propisanog minimalnog procenta govori da je sud ostvario zadovoljavajući procenat realizacije predmeta iz plana.

Ova realizacija plana u procentu od 87,43% je u odnosu na prošlogodišnji period veća za 6,82% jer je u prošloj godini realizacija plana iznosila 80,61 %.

Taj plan se nije realizovao predviđenom dinamikom jer je u toku godine sud ostao bez jednog stručnog saradnika i sudije.

Realizacija plana rješavanja svih predmeta iz plana iznosi 87,43% a pojedinačno po referatima ista iznosi i to:

**Na izvršnom referatu** realizacija plana bila je 86,97%, konkretno od 353 predmeta riješeno je 307 predmeta.

**Na krivičnom referatu** realizacija plana bila je 85,33%, konkretno od 184 predmeta riješeno 157 predmeta.

**Na parničnom referatu** realizacija plana je bila 84,66%, konkretno od 326 predmeta riješeno je 276 predmet.

**Na prekršajnom referatu** realizacija plana bila je 98,53% konkretno od 272 predmeta riješeno 268 predmeta.

**Na vanparničnom referatu** realizacija plana bila je 68,29%, konkretno od 82 predmeta riješeno je 56 predmeta.

Po sudijama i stručnim saradnicima realizacija plana bila je slijedeća:

1. Predsjednik suda – Popović Zdravko ostvario je plan sa – 100,00% ( od 77 riješeno 77 predmeta),
2. Sudija Ajanović Besima ostvarila je plan sa 92,26% ( od 168 riješeno 155 predmeta),
3. Sudija Bekrić Hidajeta ostvarila je plan sa 87,07% (od 147 riješila 128 predmeta),
4. Sudija Đuričić Tatjana ostvarila je plan sa 94,52% (od 146 riješila 138 predmeta),
5. Sudija Bajraktarević Zijad ostvario je plan sa 74,53% (od 212 predmeta riješio 158 predmeta),
6. Sudija Mandić Željko ostvario plan sa 65,63% (od 96 riješio 63 predmeta),
7. Sudija Irma Blambić ostvarila je plan sa 91,33% (od 173 riješila 158 predmeta),
8. Stručni saradnik Adnan Herceg ostvario je plan sa 100% (od 84 riješio 84 predmeta) i
9. Stručni saradnik Edina Zahirović Vilašević ostvarila je plan sa 90,35% (od 114 riješila 103 predmeta).

Napominjemo da je u ovom sudu i dalje prisutan veliki broj neriješenih izvršnih predmeta i pored znatnog pomaka u odnosu na prethodnu godinu.

Dat je prioritet rješavanju najstarijih predmeta iz plana ali je ipak ostao određen broj neriješenih predmeta dijelom zbog prestanka mandata nosilaca pravosudnih funkcija tokom izvještajnog perioda kao i zbog presignacija predmeta iz tih razloga, zatim zbog velike nedostupnosti



stranaka zbog promjena adresa i mjesta življenja. Problem je i promjena stranačke strukture stranaka to posebno u slučaju smrti istih tokom postupka kada postupak preuzimaju njihovi nasljednici koji su često nepoznatih adresa što sve utiče na dužinu rješavanja tih predmeta zbog dostavljanja pismena putem objava u dnevnim novinama ili postavljanja privremenog zastupnika.

Pored toga uočen je veći broj nedostupnih stranaka na krivičnom referatu. Brojne naredbe za privođenje optuženih ostaju nerealizovane jer ni policija ne može da pronađe optužene na terenu na traženim adresama. Sve češće se dobijaju podaci da je boravište nepoznato i da je optuženi najvjerojatnije u inostranstvu što je u biti i tačno zbog velike migracije građana sa prostora BiH i takvi predmeti osuđeni su na duže čekanje i eventualno raspisivanje potjernica ako je riječ o krivičnim djelima za koje je propisana kazna zatvora 3 ili više godina.

Od predmeta inicijalnih akata do 31.12.2009 godine od 8 predmeta riješeno je 4 predmeta ostalo je neriješeno 4 predmeta a procenat riješenosti je 50,00% a riječ je o izvršnim predmetima, to sve govori da je sud predmete najstarijih inicijalnih akata rješavao uspješno, što potvrđuje kako procenat tako i nominalan broj završenih predmeta ove vrste.

Od predmeta inicijalnog akta 01.01.2014 do 31.12.2010 od 22 predmeta riješeno je 17 predmeta ostalo neriješeno 5 predmeta a procenat riješenosti je 77,27 % što sve govori da je sud predmete najstarijih inicijalnih akata rješavao uspješno, što potvrđuje kako procenat tako i nominalan broj završenih predmeta ove vrste.

Od predmeta inicijalnog akta 01.01.2021 do 31.12.2022 od 59 predmeta riješeno je 47 predmeta ostalo neriješeno 12 predmeta a procenat riješenosti je 79,91 % što sve govori da je sud predmete mlađih inicijalnih akata rješavao procentualno isto kao i predmete starijih inicijalnih akata.

Kako u sudu ima dovoljan broj predmeta po sudijama i stručnim saradnicima to nema razloga za obrazloženje nedovoljnog broja predmeta u radu suda iz tačke 7. Smjernica za izradu godišnjeg normativnog izvještaja o radu sudova.

### **Trajanje postupka**

Prosječno trajanje postupka na svim referatima za završene predmete iznosilo je 301 dana.

Najduže trajanje postupka zabilježeno je na izvršnim predmetima, izvršenje na novčanim potraživanjima plata 1102 dana. Sporost u rješavanju ovih predmeta je promjena poslodavca od strane izvršenika.

Od izvršenja na pokretnim stvarima sud je imao u radu 302 predmeta, od čega je riješio 180 predmeta a ostalo je neriješeno 122 predmeta

Prosječno trajanje riješenih predmeta iznosilo je 248 dana a neriješenih 303 dana.

Primjetno je da je ovdje optimalni rok od 218 dana prekratak jer se ovdje preduzima niz prethodnih radnji prije i same dozvole rješenja o izvršenju. Pribavljaju se podaci o imovini izvršenika uz dostavljanje izvršenicima obrazaca P-1, P-2 i P-3, zatim imaju ponovni popisi pokretnih stvari koji novi popis tražilac izvršenja može predložiti u roku od 3 mjeseca od prošlog bezuspješnog popisa (dakle 90 dana), poučavanje tražioca izvršenja o promjeni sredstva izvršenja kada se sav postupak oko pokretnih stvari završi uz ostavljanje za to i dodatnog roka.

## **Rad suda po predmetima ratnih zločina**

Sud u 2024. godine nije imao ni jedan takav predmet

## **Rad suda na predmetima korupcije i organizovanog kriminala**

Na krivičnom referatu u 2024. godini na početku godne prenijeto je 7 predmeta ove vrste kao neriješenih a u toku izvještajnog perioda primljeno je 10 predmeta tako da je sud imao ukupno u radu 17 predmeta takve vrste. Od tog broja riješio je 14 predmeta a ostalo ne riješenih svega 3 predmeta što je umanjeno za 4 predmeta.

U strukturi krivičnih djela dominirali su krivična djela zloupotreba položaja ili ovlaštenja iz člana 383. stav 1. KZ F BiH, prenijeto 3 predmeta iz 2023. godine, zaprimljeno 4 nova predmeta u 2024. godini tako da je od 7 predmeta te vrste riješeno 7 predmeta sa umanjem od 3 predmeta.

Kod krivičnih djela pronevjere u službi iz člana 384. stav 1. KZ F BiH sud je imao u radu 1 predmeta prenijet iz 2023.godine 4 zaprimljena u 2024 godini i riješena su 3 predmeta sa uvećanjem od 1 predmet.

Kod krivičnih djela primanje dara i drugih oblika koristi iz člana 217. stav 1. KZ F BiH sud je imao prenijeta 2 predmeta iz 2023 godine, 1 zaprimljen u 2024. godini i riješena su 2 predmeta sa umanjem od 1 predmet.

Iz ovog prikaza da se zaključiti da je sud poklonio posebnu pažnju radu na ovim predmetima i da je riješio znatno veći broj predmeta od priliva uz zaostatak neriješenih predmeta od samo 3 predmeta.

Na ovom referatu radilo je više sudija praktično sve sudije jer su se u rad morali uključivati i sudije koje nisu krivičari obzirom da su se pojedine sudije iscrpljivale kroz određene faze postupka Kpp i Kps koje su isključivale od mogućnosti suđenja na glavnim pretresima tako da su u donošenju ovih odluka učestvovali i sudije koje rade na građanskom referatu.

U principu zbog manjeg broja sudija u ovom sudu nema klasične raspodjele predmeta po sudijama na konkretnim referatima već manje više sudije rade na više referata, što nije zadovoljavajuća okolnost ali su prilike takve da se mora postupati na takav način.

### Zastara predmeta :

O zastarama predmeta obaveza je suda da o tome obavjesti VSTV kao i obrazloži razloge koji su doveli do toga.

U 2024 godini u sudu su bile ukupno tri zastare i to 1 predmet u izvršenju kazne zatvora, a 2 predmeta u KPS fazi.

Radi se o apsolutnoj zastari izvršenja krivične sankcija u predmetu 39 0 K 042222 18 Iks. Naime ovaj sud je dostavio Općinskom sudu Foča pravosnažnu presudu za upućivanje osuđenog na izdržavanje kazne zatvora u KPZ Foča.



KPZ Foča je u odgovoru sudu dostavila podatak da se navedena kazna ne može izvršiti jer teče izvršenje kazne zatvora Okružnog suda Banja Luka u trajanju od 12 godina radi čega je u konkretnom predmetu nastupila zastara izvršenja kazne radi čega je od branioca osuđenog traženo da ovaj sud donese rješenje o zastari što je učinjeno.

U predmetu 39 0 K 056874 19 Kps radi se o apsolutnoj zastarjelosti krivičnog gonjenja a o čemu je doneseno rješenje ovog suda broj 39 0 K 056874 19 Kps od 22.04.2024.godine. Ročišta za izjašnjenje o krivici u ovom predmetu su više puta zakazana ali ista nisu održana zbog nedostupnosti optuženog a izdate su naredbe za prinudno sprovođenje istog sudskoj policiji FBiH koje nisu realizirane zbog nedostupnosti optuženog koji po navodima sudske policije živi u SR Njemačka. Potjernica nije mogla biti raspisana zbog neispunjenja zakonskih uslova za istu, obzirom da se radi o krivičnom djelu za koje je propisana kazna zatvora do 1 godine.

U predmetu 39 0 K 061462 20 Kps radi se o apsolutnoj zastarjelosti krivičnog gonjenja a o čemu je doneseno rješenje ovog suda broj 39 0 K 061462 20 Kps od 24.04.2024.godine. Ročišta za izjašnjenje o krivici u ovom predmetu su više puta zakazana ali ista nisu održana zbog nedostupnosti optuženog a izdate su naredbe za prinudno sprovođenje istog sudskoj policiji FBiH koje nisu realizirane zbog nedostupnosti optuženog koji po navodima sudske policije živi u SR Njemačka. Potjernica nije mogla biti raspisana zbog neispunjenja zakonskih uslova za istu, obzirom da se radi o krivičnom djelu za koje je propisana kazna zatvora do 1 godine.

O ovim predmetima je obavješteno Visoko sudsko i tužilačko vijeće BiH uz dostavu rješenja o obustavi izvršenja kazni odnosno krivičnog gonjenja usljed apsolutne zastarjelosti.

U toku 2024.godine bile su i 4 zastare prekršajnih predmeta i to: 39 0 Pr 053269 19 u kojem je nastupila apsolutna zastara izvršenja prekršajne sankcije, 39 0 Pr 072983 24 u kojem je nastupila relativna zastara vođenja prekršajnog postupka, 39 0 Pr 073078 24 Pr u kojem je nastupila relativna zastara vođenja prekršajnog postupka, 39 0 Pr 053836 19 Ips u kojem je nastupila apsolutna zastara izvršenja prekršajne sankcije o čemu su pisana izjašnjenja VSTV-u BiH.

#### Zaključna zapažanja o radu suda :

Iz izloženih podataka da se zaključiti da je priliv predmeta u 2024. godini bio u blagom porastu.

Zapaženo je da nema masovnih sporova vezano za radne sporove i prava koja iz toga proizilaze, te shodno tome nije bilo ni povećanja izvršnih predmeta po takvim odlukama.

**Na krivičnom referatu** dominirala su najčešće krivična djela raznih krađe, teške krađe, te krivična djela iz oblasti saobraćaja. Znatno su bila izražena i krivična djela nasilja u porodici, zatim određena krivična djela iz oblasti privrednog kriminala i zloupotreba službenog položaja ili ovlašćenja, primanje dara a u porastu su i krivična djela posjedovanja i uživanja opojnih droga iz člana 239. KZ F BiH.

**Maloljetnički kriminal** broj predmeta je u padu.

**Na referatu izvršenja krivičnih sankcija** sve se češće po zahtjevu osuđenog zamjenjuju kazne zatvora do jedne godine kućnim zatvorom sa elektronskim nadzorom što je pogodnost za osuđene i budžet, koji se uveliko rasterećuje zamjenom zatvorskih kazni.

Manje se koristi mogućnost zamjene kazne zatvora novčanom kaznom zbog visokog iznosa koji se ima platiti u takvim okolnostima u jednokratnom iznosu u roku od 30 dana, što primjera radi za kaznu zatvora od jedne godine iznosi 36.000,00 KM.

Ova alternativna rješenja kaznama zatvora svakako doprinose boljoj realizaciji završetka Iks predmeta.

I dalje je prisutan problem nedostatka zatvorskih kapaciteta u ZE-DO kantonu pa se osuđeni upućuju na izdržavanje kazne u KPZ Orašje, što kod osuđenih izaziva određene revolte što tamo izdržavaju kaznu a ne u onom mjestu kako je zakonom određeno.

Sa notarima nisu održani sastanci tokom 2024. godine iako su isti bili planirani ali će se isti održati tokom 2025.godine a ovo posebno iz razloga što je analizom broja otvorenih ostavinskih predmeta koji su povjereni notarima na odlučivanje utvrđeno da se ti predmeti nalaze duži vremenski period kod notara (a pojedini čak i više godina) prije nego se okončaju i vrate sudu, dakle zbog neažurnosti u radu notara što znatno utiče na kvalitet rada suda u pogledu poštivanja optimalnih i predvidivih rokova u ovim vanparničnim predmetima koji su upravo iz ovih razloga negativni.

#### Planiranje mjere za poboljšanje stanja u sudu :

Aktivirati veći rad sudskih izvršilaca na terenu tokom cijele godine jer se vremenske prilike u najvećem dijelu godine povoljne. Zatražiti da isti podnose mjesečni izvještaj predsjednici suda sa svojim zapažanjima u procesu rada na terenu.

Planira se češće držanje sastanaka odjeljenja posebno na građanskom referatu jer se mjenjaju pravna shvatanja i određeni stavovi o određenim pitanjima, da se obavijesti Pošta da pojedini poštanski dostavljači krivo obavještavaju sud da lica nisu na označenim adresama a da sudski izvršilac to lice pronađe na toj adresi i dođe do saznanja da ista nije ni mjenjana niti je navedeno lice odlazilo sa navedenih prostora.

Posebno je potrebno da se ispoštuju zakonske obaveze kada se smatra da je primalac obavješten a nije u ostavljenom roku podigao pošiljku suda. Tu nerijetko Pošta pravi propuste i primalac ističe sudu da uopšte nikada nije obavješten o tome da je dužan da preuzme pošiljku u Pošti u određenom roku.

#### **Zemljišno-knjižni ured Općinskog suda u Tešnju**

Vrsta predmeta	Broj neriješenih predmeta na početku izvještajnog perioda	Broj primljenih predmeta	Ukupan broj svih predmeta u radu	Broj riješenih predmeta	Broj neriješenih predmeta na kraju izvještajnog perioda
Zahtjevi za upis	7179	3168	10347	3690	6657
Zahtjevi za ZK izvadke-NAR	0	5736	5736	5736	0
Ostalo RZ	0	2853	2853	2853	0
<b>UKUPNO</b>	<b>7179</b>	<b>11757</b>	<b>18936</b>	<b>12279</b>	<b>6657</b>



Broj zaposlenih u ZK uredu Općinskog suda u Tešnju je: 4 redovna zemljišnoknjižna referenta, 1 privremeni zemljišnoknjižni referent (asistent) i rukovodilac ZK ureda (ukupno 6), s tim što treba istaći da je redovni zk referent (stručni savjetnik) Duvnjak Ivan u ovom zk uredu radio zaključno sa 26.05.2023.godine.

ZK ured Općinskog suda u Tešnju je 2024.godinu započeo sa 7179 neriješenih predmeta iz prethodnih godina, od čega se samo 677 predmeta odnosilo na redovne predmete, a svi preostali na predmete uspostave/zamjene zemljišne knjige.

U periodu od 01.01.2024.godine do 31.12.2024.godine ovaj ured je zaprimio 3168 redovnih predmeta za upis u zemljišne knjige, kao i 8589 zahtjeva za izdavanje ZK izvadaka, raznih potvrda i uvjerenja, što ukupno iznosi 11757 primljenih zahtjeva u 2024.godine.

Ukupan broj riješenih predmeta u 2024.godine je sljedeći: riješeno je 3670 zahtjeva za upis u zemljišne knjige (od kojih je riješano 2881 redovnih zahtjeva za upis u zemljišne knjige, te 869 zahtjeva za uspostavu/zamjenu zemljišne knjige), te 8589 zahtjeva za izdavanje ZK izvadaka, raznih potvrda i uvjerenja, što ukupno iznosi 12 259.

Na kraju izvještajnog perioda broj neriješenih predmeta je 6657. Od tog broja neriješenih predmeta, 1167 predmeta se odnosi na redovne predmete, i to: 653 predmeta (razni ugovori, rješenja o nasljeđivanju, sudske presude i dr.), 459 predmeta (rješenja o oksproprijaciji nekretnina za izgradnju autoceste na trasi Koridora Vc) i 55 zahtjev za uspostavu zk ulošku po zahtjevu stranaka (po katastarskim općinama koje nisu u postupku systemske harmonizacije), a svi preostali predmeti, njih ukupno 5490, na postupak uspostave/zamjene zemljišne knjige.

Također, u izvještajnom periodu zabilježen je značajan broj pojedinačnih zahtjeva za uspostavu ZK uložaka u katastarskim općinama koje nisu u postupku uspostave/zamjene zemljišne knjige, što dodatno otežava rad zk uredu, jer se radi o predmetima koji zbog zakonskih rokova i obima složenosti posla, traju i do godinu dana.

Završen je postupak uspostave/zamjene zemljišne knjige u 13 katastarskih općina (80% i više završnih predmeta po k.o.) od ukupno 16 katastarskih općina koje su obuhvaćene Projektom registracije nekretnina koji provodi Jedinica za implementaciju Projekta Svjetske banke pri Federalnoj geodetskoj upravi. U navedenom Projektu koji se provodi u ovom sudu, obuhvaćene su sve tri općine (Tešanj, Usora i Doboj Jug) koje su u nadležnosti ovog suda, i dosad su uobzirene sve urbane katastarske općine radi bržeg i efikasnijeg razvoja navedenih Općina.

Isto tako, treba napomenuti da je zk ured od početka postupka uspostave/zamjene zemljišne knjige u okviru gore navedenog postupka, u 5 faza projekta zaprimio UKUPNO 32.768 predmeta uspostave/zamjene zemljišne knjige, od kojih je do danas RIJEŠENO 28.334 predmeta.

S obzirom na gore navedeno, kao i na činjenicu da zk ured od 26.05.2023.godine radi bez jednog redovnog zk referenta, a da je konkursna procedura izbora novog zk referenta poprilično složena i još uvijek traje, važno je istaći da je zemljišnoknjižni ured ovog suda i pored okolnosti koje su se desile, u izvještajnom periodu riješio veći broj predmeta od priliva, što se jasno vidi iz statističkih podataka.

Nedostatak redovnog zk referenta u ovom uredu, i izbora novog, za kojeg nije izvjesno kada će biti popunjeno, znatno je otežao rad zk uredu u 2024.godini.

Dugogodišnji uposlenik ovog zk ureda (suda), zk referent Prnjavorac Jasminka je u planu ići u penziju u toku 2025.godine, tako da bilo poželjno, da se od strane nadležnih ministarstava i komisije pribave neophodne saglasnosti potrebne za konkursnu proceduru izbora novog zk referneta-stručnog saradnika u što kraćem roku.

